

Broj: 01-07-07/2-14-2-1016

Sarajevo, 20. 03. 2017. godine

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa Zakonom o javnim nabavkama Bosne i Hercegovine („Službeni glasnik BiH“, br.:39/14), federalni ministar unutrašnjih poslova , **d o n o s i**

O D L U K U

o izboru najpovoljnijeg ponuđača za javnu nabavku molersko-farbarskih radova u toku 2017. godine putem ponovnog otvorenog postupka za potrebe Federalnog ministarstva unutrašnjih poslova - Federalnog ministarstva unutarnjih poslova

I

Na osnovu odredbi člana 69. stav (1) tačka a), člana 70. i člana 64., stav (1) tačka a) Zakona o javnim nabavkama BiH („Službeni glasnik BiH“, br.: 39/14), a na osnovu Odluke o pokretanju postupka javne nabavke nabavke radova po LOT-ovima u toku 2017. godine putem otvorenog postupka za potrebe Federalnog ministarstva unutrašnjih poslova-Federalnog ministarstva unutarnjih poslova i objavljenom Obavještenju o nabavci, broj: 405-1-3-10-3-4/17, od 10. 2. 2017. godine, („Službeni glasnik BiH“, broj 11/17), zaključuje se okvirni sporazum za nabavku molersko-farbarskih radova u toku 2017. godine.

II

Okvirni sporazum za nabavku molersko-farbarskih radova u toku 2017. godine zaključuje se sa ponuđačem „GROS-COMP“ zanatska zadruga Hadžići koji je dostavio najbolje ocijenjenu prihvatljivu ponudu sa ukupno 100,00 bodova, u iznosu od 17.140,50 KM (sa PDV-om i popustom).

III

Obavezuje se Sektor za materijalno-finansijske poslove Federalnog ministarstva unutrašnjih poslova da prilikom pripreme za dodjelu okvirnog sporazuma postupa u skladu sa odredbama Zakona o javnim nabavkama BiH („Službeni glasnik BiH“, broj: 39/14).

O b r a z l o ž e n j e

Komisija za provođenje postupka javne nabavke molersko-farbarskih radova u toku 2017. godine putem ponovnog otvorenog postupka za potrebe Federalnog ministarstva unutrašnjih poslova, broj: 01-06-06/3-14-2-1016 od 5. 8. 2016. godine i broj: 01-07-07/2-14-2-1016/16 od 2. 3. 2017. godine., provela je ponovni otvoreni postupak te je izvršila razmatranje, analizu, ocjenu i usporedbu blagovremeno pristiglih ponuda ponuđača, i to: „GROS-COMP“ zanatska zadruga Hadžići, „OBNOVA“ obrtnička djelatnost Sarajevo, „KOLINVEST“ d.o.o. Sarajevo, grupa ponuđača „COLOREX“ d.o.o. i „MN-TRADE“ d.o.o. Mostar, „GALBOLS“ d.o.o. Sarajevo.

U skladu sa kriterijima za dodjelu okvirnog sporazuma predviđenog u Tenderskoj dokumentaciji formirana je rang lista ponuđača nakon što je Komisija utvrdila da su od ukupno pet pristiglih ponuda tri ponude prihvatljive za Ugovorni organ.

Ponuđač „GROS-COMP“ zanatska zadruga Hadžići dostavio je ponudu u iznosu od 17.140,50 KM, (sa PDV-om) i garantnim rokom 24 mjeseca te je navedena ponuda dobila maksimalan broj bodova 100 i shodno tome predstavlja najbolje ocijenjenu prihvatljivu ponudu za Ugovorni organ.

Ponuda grupe ponuđača „COLOREX“ d.o.o. i „MN-TRADE“ d.o.o. Mostar iznosi 19.597,50 KM (sa PDV-om) i garantnim rokom 12 mjeseci te je navedena ponuda dobila 81,72 boda te je odlučeno kao u dispozitivu.

Komisija je konstatovala da je ponuda ponuđača „GALBOLS“ d.o.o. Sarajevo prihvatljiva, ali da je cijena ponude znatno veća od osiguranih sredstava za predmetnu nabavku.

Pouka o pravnom lijeku: Protiv ove odluke dopuštena je žalba koja se podnosi Ugovornom organu u pisanoj formi u roku od 10 (deset) dana od dana prijema iste, a u skladu sa članom 99. i 101. stav (1) tačka d) Zakona o javnim nabavkama Bosne i Hercegovine.



Dostaviti:

1. Ponuđač
2. Sektoru za materijalno- finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis
5. a/a

SM/AH

Bosna i Hercegovina, 71 000 Sarajevo, M. Spahe 7, telefon (+387 33) - 280-020, lokal 3110, fax (+387 33)-590-217, www.fmup.gov.ba

FMUP- ODL

